

四庫全書

集部

欽定四庫全書

古詩紀卷二十八

明 馮惟訥 撰

魏第八

嵇康

字叔夜，譙郡鉅人。好言老莊而尚奇，任俠寓居山陽。家貧，鍛以自給。與魏宗室婚，拜中散大夫。

山濤為吏部舉康，自代。康答書言：「不堪流俗，非薄湯武，大將軍司馬昭聞之而怒。景元三年，以鍾會譖殺之。」詩品云：「頗似魏文，過為峻切，訐直露才，傷淵雅之致。然託諭清遠，良有鑒裁，亦未失高流矣。」

秋胡行七首

本集題曰重作四言詩

富貴尊榮憂患諒獨多富貴尊榮憂患諒獨多古人所
懼豐屋蔀家人害其上獸惡網羅惟有貧賤可以無他
歌以言之富貴憂患多

貧賤易居貴盛難為工貧賤易居貴盛難為工耻佞直
言與禍相逢變故萬端俾吉作凶思牽黃犬其計莫從
樂府作其
莫之從歌以言之貴盛難為工

勞謙寡悔忠信可久安勞謙寡悔忠信可久安天道害

一作盈好勝者殘彊梁致災多事一無招禍患欲得安

樂獨有無愆

集作
愆

歌以言之忠信可久安

役神者弊極欲疾枯役神者弊極欲疾枯顏回短折不
及童烏縱體淫恣莫不早徂酒色何物今自不辜歌以
言之酒色令人枯

絕智弃學遊心於玄默絕智弃學遊心於玄默遇過而
悔當不自得垂釣一壑所樂一國被髮行歌和者四塞
歌以言之遊心於玄默

思與王喬察雲遊八極思與王喬察雲遊八極凌厲五

嶽忽行萬億授我神藥自生羽翼呼吸太和鍊形易色
歌以言之思行遊八極

徘徊鍾山息駕於層城徘徊鍾山息駕於層城上蔭華
蓋下采若英受道王母遂升紫庭逍遙天衢千載長生
歌以言之徘徊於層城

幽憤詩

晉書曰東平呂安服康高致康友而善之後安為
兄所枉訴以事繫獄辭相證引遂復收康康乃作
幽憤詩

嗟余薄祜少遭不造哀乳靡識越在緇縠母允鞠育有

慈無威恃愛肆姐

子豫反

不訓不師爰及冠帶憑寵自放

抗心希古任其所尚託好老莊賤物貴身志在守樸養

素全真曰余不敏好善聞人子玉之敗屢增惟塵大人

含弘藏垢懷耻民之多僻政不由已惟此褊心顯明臧

否感悟思愆但若創瘡

于軌反

欲寡其過謗議沸騰性不

傷物頻致怨憎昔慙柳惠今愧孫登內負宿心外惡良

朋仰慕嚴鄭樂道閉居與世無營神氣晏如咨予不淑

嬰累多虞匪降自天寔由頑疎理弊患結卒致囹圄對

答鄙訊繫此幽阻實耻訟寃

善作免

時不我與雖曰義直

神辱志沮澡身滄浪豈云能補嗷嗷鳴鴈奮翼北遊順

時而動得意忘憂嗟我憤歎曾莫能儔事與願違邁茲

淹留窮達有命亦又何求古人有言善莫近名奉時恭

默咎悔不生萬石周慎安親保榮世務紛紜祇攬子情

安樂必誠乃終利貞煌煌靈芝一年三秀予獨何為有

志不就懲難思復心焉內疚庶勗將來無馨無臭米薇

山阿散髮爨岫永嘯長吟頤神養壽

贈秀才入軍十九首

集云兄秀才公
穆入軍贈詩

鴛鴦于飛肅肅其羽朝遊高原夕宿蘭渚邕邕和鳴顧
眄儔侶俛仰慷慨優游容與

鴛鴦于飛嘯侶命儔朝游高原夕宿中洲交頸振翼容
與清流咀嚼蘭蕙俛仰優游

泳彼長川言息其許陟彼高岡言刈其楚嗟我征邁獨
行踽踽仰彼凱風涕泣如雨

泳彼長川言息其沚陟彼高岡言刈其杞嗟我獨征靡
瞻靡恃仰彼凱風載坐載起

穆穆惠風扇彼輕塵奕奕素波轉此遊鱗伊我之勞有
懷佳人寤言永思寔鍾所親

所親安在舍我遠邁弃此蓀芷襲彼蕭艾雖曰幽深豈
無顛沛言念君子不遐有害

人生壽促天地長久百年之期孰云其壽思欲登仙以
濟不朽攬轡踟躕仰顧我友

我友馬之隅茲山岡誰謂河廣一葦可航徒恨永離逝
彼路長瞻仰弗及徒倚彷徨

良馬既閑麗服有暉左攬繁弱右接忘歸風馳電逝躡
景追飛凌厲中原顧盼生姿

携我好仇載我輕車南凌長阜北厲清渠仰落鷺鴻俯
引淵魚盤于游田其樂只且

凌高遠矜俯仰咨嗟怨彼幽紮邈爾路遐雖有好音誰
與清歌雖有姝顏誰與發華仰訊高雲俯託輕波乘流

遠道抱恨山阿

輕車迟邁息彼長林春木載榮布葉垂陰習習谷風吹
我素琴交交黃鳥顧儔弄音感悟集作馳情思我所欽
心之憂矣永嘯長吟

浩浩洪流帶我邦畿萋萋綠林奮榮揚暉魚龍澆濟山
鳥羣飛駕言出遊日夕忘歸思我良朋如渴如饑願言
不獲愴矣其悲

息徒蘭圃秣馬華山流磻平臯垂綸長川日送歸鴻手

揮五絃俯仰自得游心太玄嘉彼釣叟得魚忘筌郢人
逝矣誰與盡言

閒夜肅清朗月照軒微風動桂組帳高塞旨酒盈樽莫
與交歡鳴琴在御誰與鼓彈仰慕同趣其馨若蘭佳人
不存能不永歎

乘風高遊遠登靈丘託好松喬携手俱游朝發太華夕
宿神州彈琴詠詩聊以忘憂

琴詩自樂遠遊可珍含道獨往弃智遺身寂乎無累何

求於人長寄靈嶽怡志養神

流俗難悟逐物不還至人遠鑒歸之自然萬物為一四海同宅與彼共之子何所惜生若浮寄暫見忽終世故紛紜棄之八成澤雉雖饑不願園林安能服御勞形苦心身貴名賤榮辱何在貴得肆志縱心無悔

雙鸞匿景曜戢翼太山崖抗首漱朝露晞陽振羽儀長鳴戲雲中時下息蘭池自謂絕塵埃終始水不虧何意世多艱虞人來我疑雲網塞四區高羅正參差奮迅勢

不便六翮無所施，隱姿就長纓。卒為時所羈，單雄翻孤
逝。哀吟傷生離，徘徊戀儔侶。慷慨高山陂，烏盡良弓藏。
謀極身心危，吉凶雖在已。世路多嶮巇，安得反初服。抱
玉寶六竒，逍遙遊太清。携手長相隨。

酒會詩七首

淡淡流水淪胥而逝，汎汎柏舟載浮載滯。微嘯清風鼓
檝，容裔放櫂投竿。優游卒歲。

婉彼鴛鴦戢翼而遊，俯喞綠藻託身洪流。朝翔素瀨夕

棲靈洲搖蕩清波與之沈浮

流詠蘭池和聲激朗操縵清商遊心大象傾昧修身惠
音遺響鍾期不存我志誰賞

歛絃散思遊釣九淵重流千仞惑餌者懸猗與莊老棲
遲永年寔惟龍化蕩志浩然

肅肅苓風分生江湄却背華林俯沂丹坻

一作漪

含陽吐

英履霜不衰嗟我殊觀百卉具腓心之憂矣孰識玄機
猗猗蘭藹殖彼中原綠葉幽茂麗蓋穠繁馥馥蕙芳順

風而宣將御椒房吐薰龍軒瞻彼秋草悵矣惟騫

樂哉苑中遊周覽無窮已百卉吐芳華崇基邈高時林
木紛交錯玄池戲魴鯉輕九斃翔禽織綸出鱸鮓坐中
發美讚異氣同音軌臨川獻清酌微歌發皓齒素琴揮
雅操清聲隨風起斯會豈不樂恨無東野子酒中念幽
人守故彌終始但當體七絃寄心在知己

襍詩

微風清扇雲氣四除皓皓亮月麗于高隅興命公子携

手同車龍驥翼翼揚鑣踟躕肅肅宵征造我友廬光燈
吐輝華慢長舒鸞觴酌醴神鼎烹魚絃超子野歎過綿
駒流詠太素俯讚玄虛孰克英賢與爾剖符

答二郭三首

天下悠悠者下京趨上京二郭懷不羣超然來北征樂
道託萊廬雅志無所營良時造其願遂結歡愛情君子
義是親恩好篤平生寡志自生災屢使衆釁成豫子一作
讓
匿梁側聶政變其形顧此懷怛惕慮在苟自寧今當

寄他域嚴駕不得停本圖終宴婉今更不克并二子贈
嘉詩馥如幽蘭馨戀土思所親不知氣憤盈

昔蒙父兄祚少得離負荷因疏遂成懶寢蹟北山阿但
願養性命終已靡有他良辰不我期當年值紛華坎壈
趣世務常恐嬰網羅羲農邈已遠拊膺獨咨嗟朔戒貴
尚容漁父好揚波雖逸亦已難非余心所嘉豈若翔區
外餐瓊漱朝霞遺物弃鄙累逍遙遊太和結友集靈嶽
彈琴登清歌有能從此者古人豈足多

詳觀凌世務屯險多憂虞施報更相市大道匿不舒夷
路值枳棘安步將焉如權智相傾奪名位不可居鸞鳳
避罽羅遠託崑崙墟莊周悼靈龜越穆一作稷嗟王輿至
人存諸已隱璞樂玄虛功名何足殉乃欲列簡書所好
亮若茲楊氏歎交衢去去從所志敢謝道不俱

與阮德如

含哀還舊廬感切傷心肝良時違數子談慰臭如蘭疇
昔恨不早既面侔舊歡不悟卒永離念隔增憂歎事故

無不有別易會良難邦人忽已逝匠石寢不言澤雉窮
野草靈龜樂泥蟠榮名穢人身高位多災患未若捐外
累拾遺
作慮肆志養浩然顏氏希有虞隰子慕黃軒涓彭獨
何人唯志在所安漸漬殉近欲一往不可攀生生在豫
積勿以怵自寬南土旱不涼衿計宜早完君其愛德素
行路慎風寒自力致所懷臨文情辛酸

遊仙詩

遙望山上松隆谷鬱青蔥自遇一何高獨立迥無雙願

想遊其下蹊路絕不通王喬弃我去棄雲駕六龍飄飄
戲玄圃黃老路相逢投我自然道曠若發童蒙採藥鍾
山隅服食改姿容蟬蛻弃穢累結友家板桐臨觴奏九
韶雅歌何邕邕長與俗人別誰能覩其蹤

述志詩二首

潛龍育神軀濯鱗戲蘭池延頸慕大庭寢足俟皇羲慶
雲未垂景盤桓朝陽陂悠悠非吾匹疇肯應俗宜殊類
難徧周鄙議紛流離軼軻丁悔吝雅志不得施耕耨感

甯越馬席激張儀逝將離羣侶杖策追洪崖焦鵬振六
翮羅者安所羈浮游太清中更求新相知比翼翔雲漢
飲露餐瓊枝多念世間人夙駕咸驅馳沖靜得自然榮
華安足為

斥鷃擅蒿林仰笑神鳳飛

一作
姿

坎井蝘蛭宅神龜安所

歸恨自用身拙任意多永思遠實與世殊義譽非所希
往事既已謬來者猶可追何為人事間自令心不夷慷
慨思古人夢想見容輝願與知己遇舒憤啓其微巖穴

多隱逸輕舉求吾師晨登箕拾遺作西山巔日夕不知饑玄
居養營魄千載長自綏

六言十首

惟上古堯舜

二人功德齊均不以天下私親高尚簡樸茲順寧濟四
海烝民

唐虞世道治

萬國穆親無事賢愚各自得志晏然逸豫內忘佳哉爾

時可喜

知慧用

為法滋章寇生紛然相名不停大人玄寂無聲鎮之以
靜自正

名與身孰親

哀哉世俗徇榮馳驚竭力喪精得失相紛憂驚自是勤
苦不寧

生生厚招咎

金玉滿堂莫守古人安此麤醜獨以道德為友故能延期不朽

名行顯患滋

位高勢重禍基美色伐性不疑厚味腊毒難治如何貪人不思

東方朔至清

外以貪污內貞穢身滑稽隱名不為世累所撓所欲不足無營

楚子文善仕

三為令尹不喜柳下降身蒙耻不以爵祿為己靖恭古
惟二子

老萊妻賢名

不願夫子相荆相將避祿隱耕樂道閒居採萍終厲高
節不傾

嗟古賢原憲

弃背膏粱朱顏樂此屢空饑寒形陋體逸心寬得志一

世無患

思親詩

奈何愁兮愁無聊恒惻惻兮心若抽愁奈何兮悲思多情鬱結兮不可化奄失恃兮孤茆茆內自悼兮啼失聲思報德兮邈已絕感鞠育兮情剝裂嗟母兄兮永潛藏想形容兮內摧傷感陽春兮思慈親欲一見兮路無因望南山兮發哀歎感几杖兮涕汎瀾念疇昔兮母兄在心逸豫兮壽四海忽已逝兮不可追心窮約兮但有悲

上空堂兮廓無依，覩遺物兮心崩摧。
中夜悲兮當告誰，獨收淚兮抱哀威。
日遠邁兮思予心，戀所生兮淚不禁。
慈母沒兮誰與驕，顧自憐兮心忉忉。
訴蒼天兮天不聞，淚如雨兮歎青雲。
欲弃憂兮尋復來，痛殷殷兮不可裁。

嵇喜

字公穆，舉秀才，歷揚州刺史。○晉百官名。嵇喜，晉武帝太康三年為徐州刺史。

答嵇康四首

一作答弟叔夜

飾車駐駟駕，言出遊南厲。
伊渚北登邱，丘青林華茂。
青鳥羣嬉，感悟長懷。
能不永思，永思伊何思。
齊大儀凌雲。

輕邁託身靈螭遙集芝圃釋轡華池華木夜光沙棠離
離俯漱神泉仰噉瑤枝結心皎素終始不虧

華堂臨浚沼靈芝茂清泉仰瞻青禽翔俯察綠水濱逍
遙步蘭渚感物懷古人李叟寄周朝莊生遊漆園時至
忽蟬蛻變化無常端

君子體變通否泰非常理當流則義行時遊則鵲起達
者鑒通塞盛衰為表裏列仙徇生命松喬安足齒縱軀
任世度至人不私已

達人與物化世俗安可論
都邑可優游何必棲山原
孔父策良駟不云世路難
出處因時資潛躍無常端
保心守道居視變安能遷

郭遐周

贈嵇康三首

吾無佐世才時俗不可量
歸我北山阿逍遙以倡佯
同氣自相求虎嘯谷風涼
惟予與嵇生未面分好章
古人美傾蓋方此何不臧
援箏執鳴琴攜手遊空房
棲遲衡

門下何願於姬姜予心好永年年永懷樂康我友不期
卒改計適他方巖東咸發日翻然將高翔離別在旦夕
惆悵以增傷

風人重離別行道猶遲遲宋玉哀登山臨水送將歸伊
此往昔事言之以增悲歎我與嵇生倏忽將永違俯察
淵魚遊仰觀雙鳥飛厲翼太清中徘徊於丹池欽哉得
其所令我心獨違言別在斯湏怒馬如調餓

毛詩怒如
調餓韓詩

調作朝訓云
朝餓難忍也

離別自古有人非比目魚君子不懷土豈更得安居四
海皆兄弟何患無彼姝巖穴隱傳說寒谷納白駒方各
以類聚物亦以羣殊所在有智賢何憂此不如所貴身
名存功烈在簡書歲時易過歷日月忽其除勗哉乎嵇
生敬德在慎軀

郭遐叔

拾遺作
郭遐卿

贈嵇康五首

每念邁會惟日不足昕往宵歸常苦其速歡接無厭如

川赴谷如何忽爾將適他俗言駕有日巾車命僕思念
君子溫其如玉心之憂矣視丹如綠

如何忽爾超將遠遊情以怵惕惟思惟憂展轉反側寤
寐追求馳情運想神往形留心之憂矣增其勞愁

不見可欲使心不亂譬彼造化抗無崖畔封疆畫界事

利任難唯予與子鮮一作籍不同貫交重情親欲面無算

如何忽爾時適他館明發不寐耿耿極旦心之憂矣增
其憤怨

天地悠長人生若忽苟非知命安保旦夕思與君子窮

年卒歲優哉逍遙幸無隕越

叶俞
芮切

如何君子超將遠邁

叶力
制切

我情願關我言願結心之憂矣良以忉怛

君子交有義不必常相從天地有明理遠近無異同三
仁不齊迹貴在等賢蹤衆鳥羣相追鷺鳥獨無雙何必
相响濡江海自可容願各保遐心有緣復來東

阮德如

陳留志名曰阮侃字德如尉氏人魏衛尉卿
阮共之子有俊才而飭以名理風儀雅潤與

嵇康為友任
至河南太守

答嵇康二首

早發溫泉廬夕宿宣陽城
顧眄懷惆悵言思我友生
會遇一何幸及子遊歡情
交際雖未久思愛發中誠
良玉湏切磋瓊璫就其形
隋珠豈不曜雕瑩啓光榮
與子猶蘭石堅芳互相成
庶幾行古道伐檀俟河清
不謂中離別飄飄然遠征
臨輿執手訣良誨一何精
佳言盈我耳援帶以自銘
唐虞曠千載三代不可并
洙泗久已往微言誰共聽
曾參易箒弊仲由結其纓
晉楚安足慕屢空

守以貞潛龍尚泥蟠神龜隱其靈庶保吾子言養真以
全生東野多所患暫往不久停幸子無損思逍遙以自
寧雙美不易居嘉會故難常爰處憇斯土與子邁蘭芳
常願永遊集拊翼同迴翔不悟卒永離一別為異鄉四
牡一何速征人告路長顧步懷想像遊目屢太行撫軫
增歎息念子安能忘恬和為道基老氏惡強梁患至有
身災榮子知所康神龜實可樂明戒在剗腸新詩何篤
穆申詠增慨慷舒檢話良訊終然永厭藏還誓必不食

復與同故房願子盪憂慮無以情自傷俟路忘所以聊
以酬來章

古詩紀卷二十八

欽定四庫全書

古詩紀卷二十九

明 馮惟訥 撰

魏第九

阮籍

字嗣宗陳留尉氏人司空記室瑤之子容貌瓌傑志氣宏放初辟太尉掾進散騎常侍大將軍

司馬昭欲為其子炎求婚籍乃醉六十日不得言而止後引為從事中郎籍聞步兵厨多美酒遂求為步兵校尉縱酒昏酣遺落世事又對人能為青白眼由是禮法之士深為讐疾大將軍常保持之○詩品曰阮籍詩其原出於小雅無雕蟲之功而詠懷之作可以陶性靈發幽思言在耳目之內情寄八荒之表洋洋乎會於風雅使人忘其鄙近自致遠大頗多感慨之詞厥旨淵放歸趣難求顏延

之注解法
言其志

詠懷詩三首

天地網緼元精代序清陽曜靈和風容與明日映天甘
露被宇蒼鬱高松猗那長楚草蟲哀鳴鷓鴣振羽感時
興思企首延佇於赫帝朝伊衡作輔才非允文罷非經
武適彼沅湘託分漁父優哉游哉爰居爰處

月明星稀天高氣寒桂旗翠旌珮玉鳴鸞濯纓醴泉被
服蕙蘭思從二女適彼湘沅靈幽聽微

一作
遠

誰觀玉顏

灼灼春華綠葉含丹日月逝矣惜爾華繁

清風肅肅脩夜漫漫嘯歌傷懷獨寐寤言臨觴拊膺對
食忘餐世無萱草令我哀歎鳴鳥求友谷風刺愆重華
登庸帝命凱元鮑子傾蓋仲父佐桓回濱嗟虞敢不希
顏志存明規匪慕彈冠我心伊何其芳若蘭

詠懷八十二首

阮嗣宗集傳之既久頗存譌闕世之較錄者往往
肆為補綴作者之旨淆亂甚焉今以諸本參校其
義稍優者為正文互異者分註於下其舊有
闕文疑字而今本竄益者廓其傍俟再考正

夜中不能寐起坐彈鳴琴薄帷鑒明月清風吹我襟孤
鴻號外野翔鳥鳴北林徘徊將何見憂思獨傷心

二妃遊江濱逍遙順風翔交甫懷環珮婉孌有芬芳猗
靡情歡愛千載不相忘傾城迷下蔡容好結中腸感激
生憂思萱草樹蘭房膏沐為誰施其雨怨朝陽如何金
石交一旦更離傷

嘉樹下成蹊東園桃與李秋風吹飛藿零落從此始繁
華有憔悴堂上生荆杞驅馬舍之去去上西山趾一身

不自保何況戀妻子凝霜被野草歲暮亦云已

天馬出西北由來從東道春秋非有託富貴焉常保清

露被臯蘭凝霜霑野草胡為媚

五臣作美

少年夕暮成醜老

自非王子晉誰能常美好

平生少年時輕薄好絃歌西遊咸陽中趙李相經過娛

樂未終極白日忽蹉跎驅馬復來歸反顧望三河黃金

百鎰盡資用常苦多北臨太行道失路將如何

昔聞東陵瓜近在青門外連畛距阡陌子母相鉤帶五

色曜朝日嘉賓四面會膏火自煎熬多財為患害布衣
可終身寵祿豈足賴

炎暑惟茲夏三旬將欲移芳樹垂綠葉青雲自逶迤四
時更代謝日月遞參差

一作
差馳

徘徊空堂上怵怛莫我知

願覩卒歡好不見悲別離

灼灼西墮日餘光照我衣迴風吹四壁寒鳥相因依周
周尚銜羽蛩蛩亦念饑如何當路子磬折忘所歸豈為
夸譽名憔悴使心悲寧與燕雀翔不隨黃鵠飛黃鵠遊

四海中路將安歸

步出上東門北望首陽岑下有采薇士上有嘉樹林良
辰在何許凝霜霑衣襟寒風振山岡玄雲起重陰鳴鴈
飛南征鷓鴣發哀音素質游商聲悽愴傷我心

北里多竒舞濮上有微音輕薄閒遊子俯仰乍浮沈捷
徑從狹路僂俛趨荒淫焉見王子喬乘雲翔鄧林獨有
延年術可以五臣慰我心作用

湛湛長江水上有楓樹林皋蘭被徑路青驪逝駸遠

望令人悲春氣感我心三楚多秀士朝雲進荒淫朱華
振芬芳高蔡相追尋一為黃雀哀淚下誰能禁

昔日繁華子安陵與龍陽夭夭桃李花灼灼有輝光悅
憚若九春磬折似秋霜流盼發姿媚言笑吐芬芳携手
等歡愛宿昔同衣裳願為雙飛鳥比翼共翱翔丹青著
明誓永世不相忘

登高臨四野北望青山阿松栢翳岡岑飛鳥鳴相過感
慨懷辛酸怨毒常苦多李公悲東門蘇子狹三河求仁

自得仁豈復歎咨嗟

開秋北涼氣蟋蟀鳴牀帷感物懷殷憂悄悄令心悲多
言焉所告繁辭將訴誰微風吹羅袂明月耀清暉晨雞
鳴高樹命駕起旋歸

昔年十四五志尚好詩書被褐懷珠玉顏閔相與期開
軒臨四野登高望所思丘墓蔽山岡萬代集一作世同一時

千秋萬歲後榮名安所之乃悟羨門子噉噉令自嗤

徘徊蓬池上還顧望大梁綠水揚洪波曠野莽茫茫走

獸交橫馳飛鳥相隨翔是時鷄火中日月正相望朔風
厲嚴寒陰氣下微霜羈旅無儔匹俛仰懷哀傷小人計
其功君子道其常豈惜終憔悴詠言著斯章

獨坐空堂上誰可與歡者出門臨永路不見行車馬登
高望九州悠悠分曠野孤鳥西北飛離獸東南下日暮
思親友晤言用自寫

懸車在西南義和將欲傾流光耀四海忽忽至夕冥朝
為咸池暉蒙汜受其榮豈知集作窮達士一死不再生

故

視彼桃李花誰能久
熒熒君子在何許
歎息集作曠世未合
并瞻仰景山松可以慰吾情

西方有佳人皓若白日光
被服織羅衣左右佩雙璜
修容耀姿美順風振微芳
登高眺所思舉袂當集作向朝陽

寄顏雲霄間揮袖凌虛翔
飄飄恍惚中流眇
顧我傍悅懌未交接晤言用感傷

楊朱泣岐路墨子悲染絲
揖讓長離別飄飄難與期
豈徒燕婉情存亡誠有之
蕭索人所悲既覺不可辭
趙女

媚中山謙柔愈見欺嗟嗟塗上士何用自保持

於心懷寸陰義陽將欲冥揮袂撫長劍仰觀浮雲征雲

間有玄鶴抗志揚哀聲一飛冲青天曠世不再鳴豈與

鷓鴣遊連翩戲中庭

京師曹氏家藏阮步兵詩一卷唐人書與世所傳多異其一篇云

放心懷寸陰義和將欲冥揮袂撫長劍仰觀浮雲行雲間有立鶴抗首揚哀聲一飛冲青天疆世不再鳴安與鷓鴣徒翩翩戲中庭孔宗翰亦有本與此多同

夏后察靈輿夸父為鄧林存亡從變化日月有浮沈鳳

皇鳴參差伶倫發其音王子好簫管世世相追尋誰言

不可見青鳥明我心

東南有射山汾水出其陽六龍服氣輿雲蓋切一作覆天

網仙者四五人逍遙晏蘭房寢息一純和呼喻成露霜

沐浴丹淵中炤耀日月光豈安通集作靈臺游瀆去高

翔

殷憂令志結休惕常若驚逍遙未終晏朱華忽西傾蟋蟀在戶牖蟋蟀鳴中庭心腸未相好誰云亮我情願為雲間鳥千里一哀鳴三芝延瀛洲遠遊可長生

拔劍臨白刃安能相中傷但畏工言子稱我三江旁飛

泉流玉山懸車棲扶桑日月徑千里素風發微霜勢

外編

作世路有窮達咨嗟安可長

朝登洪坡顛日夕望西山荆棘被原野羣鳥飛翩翩鸞

鷲時

集作特

棲宿性命有自然建木誰能近射干復嬋娟

不見林中葛延蔓相勾連

周鄭天下交街術當三河妖冶閔都子煥耀何芬葩玄

髮發

一作照

朱顏睇眇有光華傾城思一顧遺視來相誇

初學
作過

願為三春遊朝陽忽蹉跎盛衰在湏臾離別將如

何

若花

一作
木

耀四

一作
西

海扶桑翳瀛洲日月經天塗明暗

不相讐

集作
伴

窮達自有常得失又何求豈效路上童携

手共遨遊陰陽有變化誰云沈不浮朱鷺躍飛泉夜飛

過吳洲俛仰運天地再撫四海流繫累名利場駑駿同

一轉豈若遺耳目升遐去殷憂

昔余遊大梁登于黃華顛共工宅玄冥高臺造青天幽

荒邈悠悠悽愴懷所憐所憐者誰子明察自照妍

一作應自

然應龍沈冀州妖女不得眠肆侈

一作佞

陵世俗豈云永

厥年

驅車出門去意欲遠征行征行安所如背弃夸與名夸
名不在已但願適中情單帷蔽皎日高榭隔微聲讒邪
使交疏浮雲令晝冥嫵婉同衣裳一顧傾人城從容在
一時繁華不再榮晨朝奄復暮不見所歡形黃鳥東南
飛寄言謝友生

駕言發魏都南向望吹臺簫管有遺音梁王安在哉戰
士食糟糠賢者處蒿萊歌舞曲未終秦兵已復來夾林
非吾有朱宮生塵埃軍敗華陽下身竟為土灰

朝陽不再盛白日忽西幽去此若俯仰如何似九秋人
生若塵露天道邈悠悠齊景升丘山涕泗紛交流孔聖
臨長川惜逝忽若浮去者余不及來者吾不留願登太
華山上與松子遊漁父知世患乘流泛輕舟

一日復一夕一夕復一朝顏色改平常精神自損消胸

中懷湯火變化故相招萬事無窮極

一作理

知謀苦不饒

但恐湏臾間魂氣隨風飄終身履薄冰誰知我心焦

一日復一朝一昏復一晨容色改平常精神自飄淪臨

觴多哀楚思我故時人對酒不能言悽愴懷酸辛願耕

東臯陽誰與守其真愁苦在一時高行傷微身曲直何
所為龍蛇為我鄰

世務何續紛人道苦不遑壯年以時逝朝露待太陽願
攬羲和轡白日不移光天階路殊絕雲漢邈無梁濯髮

賜谷濱遠遊崑嶽傍登彼列仙岵採此秋蘭芳時路烏
足爭太極可翱翔

誰言萬事躑道遙可終生臨堂翳華樹悠悠念無形
彷徨思親友倏忽復至冥寄言東飛鳥可用慰我情

嘉時在今辰零雨灑塵埃臨路望所思日夕復不來
人情有感慨蕩漾焉能排揮涕懷哀傷辛酸誰語哉

炎光延萬里洪川蕩湍瀨彎弓掛扶桑長劍倚天外
泰山成砥礪黃河為裳帶視彼莊周子榮枯何足賴捐身

棄中野烏鳶作患害豈若雄傑士功名從此大

壯士何慷慨志欲威八荒驅車遠行役受命念自忘良
弓挾烏號明甲有精光臨難不顧生身死魂飛揚豈為
全軀士効命爭戰場忠為百世榮義使令名彰垂聲謝
後世氣節故有常

混元生兩儀四象運衡璣暎日布炎精素月垂景輝晷
度有昭回哀哉人命微飄若風塵逝忽若慶雲晞修齡
適余願光寵非已威安期步天路松子與世違焉得凌

霄翼飄飄登雲涓嗟哉尼父志何為居九夷

天網彌四野六翮掩不舒隨波紛綸客

集作落

汎汎若浮

鳧

一作鳧驚

生命無期度朝夕有不虞列仙停脩齡養志在

冲虛飄飄雲日間邀與世路殊榮名非已寶聲色焉足

娛採藥無旋返神仙志不符逼此良可惑令我久躊躇

王業須良輔建功俟英雄元凱康哉美多士頌聲隆陰

陽有舛錯日月不常融天時有否泰人事多盈冲園綺

遯南嶽伯陽隱西戎保身念道真寵耀焉足崇人誰不

善始妙能尅厥終休哉上世士萬載垂清風

鴻鵠相隨飛飛適荒裔雙翮臨長風
湏臾萬里逝朝餐琅玕實夕宿丹山際
抗身青雲中網羅孰能制豈與

鄉曲士攜手共言誓

從藝文
定正

儔物終始殊脩短各異方琅玕生高山
芝英耀朱堂熒熒桃李花成蹊將天傷
焉敢希千術三春表微光自非

凌風樹憔悴鳥

一作
要

有常

幽蘭不可佩朱草為誰榮脩竹隱山陰
射干臨增城葛

菑延幽谷縣縣瓜瓞生樂極消靈神哀深傷人情竟知
憂無益豈若歸太清

鸞鳩飛桑榆海鳥運天池豈不識宏大羽翼不相宜招

搖安可翔不若棲樹枝下集蓬艾間上遊園圃籬但爾

亦自足用子為追隨

此首藝文類聚所載與今本不同而義意近優觀李善文選注江文

通擬詠懷詩所引與藝文同亦一證也今從藝文定正

生命辰安在憂戚涕沾襟高鳥翔山岡鶯雀棲下林青
雲蔽前庭素琴悽我心崇山有鳴鶴豈可相追尋

鳴鳩嬉庭樹，焦明遊浮雲。馬見孤翔鳥，翩翩無匹羣。死

生自然理，消散何續紛。

漢魏詩集合前為一首

步遊三衢旁，惆悵念所思。豈為今朝見，恍惚誠有之。澤

中生喬松，萬世未

一作安

可期。高鳥摩天飛，凌雲共遊嬉。

豈有孤行士，垂涕悲故時。

清露為凝霜，華草成蒿萊。誰云君子賢，明達

集作自

安可

能乘雲招松喬，呼噏永矣哉。

丹心失恩澤，重德喪所宜。善言焉可長，慈惠未易施。不

見南飛鷺羽翼正差池高子怨新詩三閭悼乖離何為
混沌氏倏忽體貌隳

十日出暘谷弭節馳萬里經天耀四海倏忽潛濛汜誰
言焱炎久遊沒何行俟逝者豈長生亦去荆與杞千歲

猶崇朝一餐聊自己

一作百
金子

是非得失間焉足相譏理

計利知術窮哀情遽

一作
克

能止

自然有成理生死道無常智巧萬端出大要不易方如
何夸毘子作色懷驕腸乘軒驅良馬憑几向膏梁被服

織羅衣深榭設閒房不見日夕華翩翩飛路傍

夸談快憤憑情

一作情

慵發煩心西北登不周東南望鄧

林曠野彌九州崇山抗高岑一餐度萬世千歲再浮沈

誰云玉石同淚下不可禁

人言願延年延年欲焉之黃鵠呼子安千秋未可期獨

坐山嵒中惻愴懷所思王子一何好猗靡相携持悅懌

猶今辰計校在一時置此明朝事日夕將見欺

今本作潛見安

能處山嵒在一時置此
明朝事日夕將見欺

貴賤在天命窮達自有時
婉孌佞邪子隨利來相欺
孤思損惠施但為讒夫蚩
鶴鳴雲中載飛靡所期焉
知傾側士一旦不可持

驚風振四野迴雲蔭堂隅
牀帷為誰設几杖為誰扶
雖非明君子豈闇桑榆世
有此聾聵茫茫將焉如翩翩
從風飛悠悠去故居離麾
玉山下遺弃毀與譽

危冠切浮雲長劍出天外
細故何足慮高度跨一世
非子為我御逍遙遊荒裔
顧謝西王母吾將從此逝
豈與

蓬戶士彈琴誦言誓

河上有丈人緯蕭弃明珠甘彼藜藿食樂是蓬蒿廬豈
效繽紛子良馬騁輕輿朝生衢路旁夕瘞橫術隅歡笑
不終晏俛仰復歎歎鑿茲二三者憤懣從此舒

儒者通六藝

一作義

立志不可干違禮不為動非法不肯

言渴飲清泉流饑食井

一作甘

一簞歲時無以祀衣服常

苦寒屣屐詠南風緼袍笑華軒信道守詩書義不受一
餐烈烈褒貶辭老氏用長歎

少年學擊刺

集作劍

妙伎過曲城英風截雲霓超世發奇

聲揮劍臨沙漠飲馬九野坳旗幟何翩翩但聞金鼓鳴
軍旅令人悲烈烈有哀情念我平常時悔恨從此生

平晝整衣冠思見客與賓賓客者誰子倏忽若飛塵裳
衣佩雲氣言語究靈神須臾相背弃何時見斯人

多慮令志散寂寞使心憂翱翔觀陂

一作彼

澤撫劍登輕

舟但願長閒暇後歲復來遊

朝出上東門遙望首陽基松柏鬱森沈鷓鴣黃相與嬉逍

遙九曲間徘徊欲何之念我平居時鬱然思妖姬

王子十五年遊行伊洛濱朱顏茂春華辯慧懷清真焉
見浮丘公舉手謝時人輕蕩易恍惚飄飄弃其身飛飛
鳴且翔揮翼且酸辛

塞一作寒門不可出海水焉可浮朱明不相見奄昧獨無

侯持瓜思東陵黃雀誠獨羞失勢在瀕吏帶劍上吾丘
悼彼桑林子涕下自交流假乘汧渭間鞍馬去行遊

洪生資制度被服正有常尊卑設次序事物齊紀綱容

飾整顏色磬折執圭璋堂上置玄酒室中盛稻粱外厲
貞素談戶內滅芬芳放口從表出復說道義方委曲周
旋儀姿態愁我腸

北臨乾昧谿西行遊少任遙顧望天津駘蕩樂我心綺
靡存亡門一遊不再尋儻遇晨風鳥飛駕出南

一作東林

溝瀆瑤光中忽忽肆荒淫休息晏清都超世又誰禁

一作

起坐復
誰禁

人知結交易交友誠獨難險路多疑惑明珠未可干彼

求饗太牢我欲并一餐損益生怨毒吐吐復何言

有悲則有情無悲亦無思

集作無情亦無悲

苟非嬰網罟何必

萬里畿翔風拂重霄慶雲招所晞灰心寄枯宅曷顧人

間姿始

集作曲

得忘我難馬知嘿自遺

木槿榮丘墓煌煌有光色白日頽林中翩翩零路側蟋蟀吟戶牖螻蛄鳴荆棘蟬蛸玩三朝采采脩羽翼衣裳為誰施俛仰自收拭生命幾何時慷慨各努力

脩塗馳軒車長川載輕舟性命豈自然勢路有所由高

名令志惑重利使心憂親昵懷反側骨肉還相讐更希
殷珠玉可用登遨遊

橫術有竒士黃駿服其箱朝起瀛洲野日夕宿明光再
撫四海外羽翼自飛揚去置世上事豈足愁我腸一去
長離絕千歲復相望

猗歟上世士恬淡志安貧李葉道陵遲馳騫紛垢塵甯
子豈不類揚歌誰肯殉

一作
詢

栖栖非我偶徨徨非已倫

咄嗟榮辱事去來味道真道真信可娛清潔存精神巢

由抗高節從此適河濱

梁東有芳草一朝再三榮
色容艷姿美光華耀傾城
豈為明哲士妖盛諂媚生
輕薄在一時安知百世名
路端便娟子但恐日月傾
焉見冥靈木悠悠竟無形

秋駕

作稅駕者誤

安可學東野窮路旁
綸深魚淵潛矰設鳥

高翔汎汎察輕舟演漾靡所望
吹噓誰以益江湖相捐忘
都冶難為顏脩容是我常
茲年在松喬恍惚誠未央

莊子逸篇尹儒學御三年而無所得夜夢受秋駕明日往朝師師曰今將教子以秋駕注曰秋駕法駕也

咄嗟行至老僂俛常苦憂臨川羨洪波同始異支流百
年何足言但苦怨與讐讐怨者誰子耳目還相羞聲色
為胡越人情自逼道招彼玄通士去來歸羨遊

昔有神仙士乃處射山阿乘雲御飛龍噓噓噓音機小食也

瓊華可聞不可見慷慨歎咨嗟自傷非儔類愁苦來相
加下學而上達忽忽將如何

林中有竒鳥自言是鳳凰清朝飲醴泉日夕棲山岡高
鳴徹九州延頸望八荒適逢商風起羽翼自摧藏一去

崑崙西何時復迴翔但恨處非位愴恨使心傷

出門望佳人佳人豈在茲三山招松喬萬世誰與期存

亡

一作日

有長短慷慨將焉知忽忽朝日墮行行將何之

不見入秋草摧折在今時

昔有神仙者羨門及松喬喻習九陽間升遐噴雲霄人
生樂長久百年自言遠白日隕隅谷一夕不再朝豈若

遺世物登明遂飄飄

墓前熒熒者木槿耀朱華榮好未終朝連颺隕其葩豈

若西山草琅玕與丹朮垂影臨增城餘光照九阿寧微
少年子日夕難咨嗟

歌二首

見大人先生傳
拾遺作寄懷歌

采薪者歌

日沒不周西月出丹淵中陽精蔽不見陰光代為雄亭
亭在湏臾厭厭將復隆離合雲霧兮往來如飄風富貴
俯仰間貧賤何必終留侯起七虜威武赫荒夷邵平封
東陵一旦為布衣枝葉托根柢死生同盛衰得志從命

升失勢與時隕寒暑代征邁變化更相推禍福無常主
何憂身無歸推茲由斯理負薪又何哀

大人先生歌

天地解兮六合開星辰隕兮日月頽我騰而上將何懷

無名氏

襟歌謠辭 諺語附

徐州歌

晉書曰王祥隱居廬江三十餘年不應州郡之命
徐州刺史呂虔傲為別駕于時寇盜充斥祥率勵

兵士頻討破之州界清靜政化大行時人歌之
按魏志呂虔文帝時遷徐州刺史請琅琊王祥為

別駕

海沂之康實賴王祥邦國不空別駕之功

滎陽令歌

殷氏世傳曰殷衰為滎陽令廣築
學館會集朋徒民知禮讓乃歌之

滎陽令有異政修立學校人易性令我子弟耻鬪訟

樂府

作訟
爭

行者歌

選詩拾遺作魏時童
謠歌云見五行志

欽定四庫全書

古詩類
卷二十九

王子年拾遺記曰文帝所愛美人薛靈芸常山人也年十五容貌絕世咸熙中文帝選良家子女以入六宮常山太守習谷以千金寶賂聘之以獻至京師帝以文車十乘迎之道側燒石葉之香未至數十里膏燭之光相續不滅車徒咽路塵起蔽於星月又築土為臺基高三十丈列燭於臺下遠望如列星之墜地又於大道之傍一里一銅表高五尺以誌里數故行者歌曰

青槐夾道多塵埃龍樓鳳闕望崔嵬清風細雨襟香來

土上出金火照臺

此七字是妖辭也銅表誌道是土上出金之義以燭置臺下則火在土下

之義漢火德王魏土德王火伏而土興土上出金是魏滅而晉興之兆晉以金王也

明帝景初中童謡

宋書五行志曰魏明帝景初中童謠及宣王平遠東歸至白屋當還鎮長安會帝疾篤急召之乃乘追鋒車東渡河終翦魏室如童謠之言也

阿公阿公駕馬車不意阿公東渡河阿公東

晉書作來

還當

奈何

齊王嘉平中謠

宋書五行志曰魏齊王嘉平中謠按朱虎者楚王彪小字也王凌令狐愚聞此謠謀立彪事發凌等伏誅彪賜死

白馬素羈西南馳其誰察者朱虎騎

軍中謠

魏畧曰太祖使盧洪趙達
撫軍主刺舉軍中語曰

不畏曹公但畏盧洪曹公尚可趙達殺我

鴻臚歌

魏畧曰韓宣字景然為大鴻臚始南陽曲阜韓暨
以宿德在宣前為大鴻臚及宣在官亦稱職故鴻
臚中為
之語曰

大鴻臚小鴻臚前後治行相曷如

夏侯歌

魏書曰夏侯淵為將赴急疾常出敵不意故軍中語云淵字妙才沛國譙人從魏太祖征伐封博昌亭侯累官征西將軍

典軍校尉夏侯淵三日五百六十千

州中歌

魏畧曰賈洪字叔業好學有材特精於春秋左傳與馮翊敬危材學最高故衆人為之語曰

州中曄曄賈叔業辯論洵洵敬文通

邢子昂歌

魏志曰邢顯太祖辟為冀州從事時人稱之

德行堂堂邢子昂



古詩紀卷二十九



欽定四庫全書

集部

古詩紀卷
三十一
三十二

詳校官檢討臣德生

侍讀臣孫球覆勘

總校官知縣臣楊懋珩

校對官中書臣李斯咏

謄錄監生臣朱坦

欽定四庫全書

古詩紀卷三十

明 馮惟訥 撰

吳第一

孫皓

字元宗一名彭祖大皇帝孫也景帝崩皓嗣位為晉所滅封歸命侯

爾汝歌

世說新語曰晉武帝問孫皓聞南人好作爾汝歌頗能為不皓正飲酒因舉觴勸帝歌云云帝悔之

昔與汝為鄰今與汝為臣上汝一杯酒令汝壽萬春

一作

願汝壽

千春

韋昭

字弘嗣吳郡雲陽人本名昭史為晉諱改名曜少好學能屬文仕孫吳官至中書僕射職省為

侍中常領左國史撰吳書皓欲父和作紀曜執以和不登帝位宜名為傳皓以此責怒收曜付獄後誅之

吳鼓吹曲十二曲

炎精缺

古今樂錄曰炎精缺者言漢室衰孫堅奮迅猛志念在匡救王迹始乎此也當漢朱鷺

炎精缺漢道微皇綱弛政德違衆姦熾民罔依赫武烈
越龍飛陟天衢耀靈威鳴雷鼓抗電麾撫乾衡鎮地機

厲虎旅騁熊羆發神聽吐英竒張角破邊韓羈宛賴平
南土綏神武章渥澤施金聲震仁風馳顯高門啓皇基
統罔極垂將來

漢之季

漢之季者言孫堅悼漢之微痛董卓之
亂興兵奮擊功蓋海內也當漢思悲翁

漢之季董卓亂桓桓武烈應時運義兵興雲旗建厲六
師羅八陣飛鳴鏑接白刃輕騎發介士奮醜虜震使衆
散劫漢主遷西館雄豪怒元惡債赫赫皇祖功名聞

摠武師

摠武師者言孫權卒父之業而征伐也當漢艾如張

摠武師斬黃祖攘

一作捕

夷凶族革平西夏炎炎大烈震

天下

伐烏林

伐烏林者言魏武既破荊州順流東下欲來爭鋒孫權命將周瑜逆擊之於烏林而破走也當漢上

之曰

曹操北伐拔柳城棄勝席捲遂南征劉氏不睦八郡震

驚衆既降操屠荆舟車十萬揚風聲議者狐疑慮無成
賴我大皇發聖明虎臣雄烈周與程破曹烏林顯章功
名

秋風

秋風者言孫權悅以使民
民忘其死也當漢擁離

秋風揚沙塵寒露沾衣裳角弓持弦急鳩鳥化為鷹邊
垂飛羽檄寇賊侵界疆跨馬披介冑慷慨懷悲傷辭親
向長路安知存與亡窮達固有分志士思立功思立功

邀之戰場身逸獲高賞身沒有遺封

克皖城

克皖城者言魏武志圖并兼而令朱光為廬江太守孫權親征光破之於皖城也當漢戰城南

克滅皖城遏寇賊惡此凶孽阻姦慝王師赫征衆傾覆
除穢去暴戢兵革民得就農邊境息誅君弔民昭至德

關背德

關背德者言蜀將背弃吳德心懷不軌
孫權引師浮江而擒之也當漢巫山馬

關背德作鴟張割我邑城圖不祥稱兵北伐圍樊襄陽

嗟臂大於股將受其殃巍巍夫聖主睿德與玄通與玄
通親任呂蒙泛舟洪汜池溯涉長江神武一何桓桓聲
烈正與風翔歷撫江安城大據郢邦虜之授首百蠻咸
來同盛哉三比隆

通荆門

通荆門者言孫權與蜀交好齊盟中有關公自失
之譽戎蠻樂亂生變作患蜀疑其眩吳惡其詐乃
大治兵終復初
好也當漢上陵

荆門限巫山高峻與雲連蠻夷阻其險歷世懷不賓漢

王據蜀郡崇好結和親乖微中情疑讒夫亂其間大皇
赫斯怒虎臣勇氣震蕩滌幽藪討不恭觀兵揚炎耀厲
鋒整封疆整封疆闡揚威武容功赫戲洪烈炳章邈矣
帝皇世聖吳同厥風荒裔望清化化恢弘煌煌大吳延
祚永未央

章洪德

章洪德者言孫權章其大德
而遠方來附也當漢將進酒

章洪德邁威神感殊風懷遠鄰平南裔齊海濱越裳貢

扶南臣珍貨充庭所見日新

從歷數

從歷數者言孫權從圖錄之符而建大號也當漢有所思

從歷數於穆我皇帝聖哲受之天神明表竒異建號創
皇基聰睿協神思德澤浸及昆蟲浩蕩越前代三光顯
精耀陰陽稱至治肉角步郊畛鳳凰棲靈囿神龜游沼
池圖讖篆文字黃龍覲鱗符祥日月記覽往以察今我
皇多噲事上欽昊天象下副萬民意光被彌蒼生家戶

蒙惠賚風教肅以平頌聲音嘉喜大吳興隆綽有餘裕

承天命

承天命者言上以聖德踐位道化至盛也當漢芳樹

承天命於昭聖德三精垂象符靈表德巨石立九穗植
龍金其鱗烏赤其色輿人歌億夫歎息超龍升襲帝服
窮淳懿體玄嘿夙興臨朝勞謙日昃易簡以崇仁放遠
讒與惡舉賢才親近有德均田疇茂稼穡審法令定品
式考功能明黜陟人思自盡唯心與力家國治王道直

思我帝皇壽萬億長保天祿祚無極

玄化

玄化者言上修文訓武則天而行
仁澤流洽天下喜樂也當漢上邪

玄化象以天陛下聖真張皇綱率道以安民惠澤宣流
而雲布上下睦親君臣酣宴樂激發弦歌揚妙新修文
籌廟勝須時備駕巡洛津康哉泰四海歡欣越與三五
鄰

薛瑩

字道言初為祕府中書郎孫休即位為散騎中
常侍數年以病去官孫皓初為左執法遷選曹

尚書及立太子
子又領少傅

獻詩

三國志曰建衡三年孫皓追歎瑩
父綜遺文且命瑩繼作瑩獻詩曰

惟臣之先昔仕于漢奕世綿絲頗涉臺觀暨臣父綜遭
時之難卯金失御邦家毀亂適茲樂土庶存了遺天啓
其心東南是歸厥初流隸困於蠻垂大皇開基恩德遠
施特蒙招命拯擢泥污釋放巾褐受職剖符作守合浦
在海之隅遷入京輦遂升機樞枯瘁更榮絕統復紀自

微而顯非願之始亦惟寵遇心存足止重值文皇建號
東宮乃作少傅光華益隆明明皇嗣至德謙宗禮遇兼
加惟渥惟豐哀哀先臣念竭其忠洪恩未報委是以終
嗟臣蔑賤惟昆及弟幸生幸育託綜遺體過庭既訓頑
蔽難啓堂構弗克志存耦耕豈悟聖朝仁澤流盈追錄
先臣愍其無成是濟是拔被以殊榮翊忝千里受命南
征旌旗備物金革揚聲及臣斯陋實闇實微既顯前軌
人物之機復傳東宮繼世荷輝才不逮先是忝是違乾

德博好文雅是貴追悼亡臣冀存遺類如何愚肖曾無
髣髴瞻彼舊寵顧此頑虛孰能忍媿臣實與居夙夜反
側克心自論父子兄弟累世蒙恩死惟結草生誓殺身
雖則灰隕無報萬分

張純

張儼朱
異附

賦席

吳郡張純少有清才與同郡張儼朱異俱童少往
見驃騎將軍朱據據聞三人才名欲試之曰今三
賢屈顧老鄙渴甚矣其為吾各賦一物然後乃坐
純曰駸裘以迅驟為工鷹隼以輕疾為妙何必積

思皆隨日立
成據大歡悅

席為冬設簟為夏施揖讓而坐君子攸宜

賦犬 張儼

守則有威出則有獲韓盧宋鶻書名竹帛

賦弩 朱異

南嶽之榦鍾山之銅應機命中射隼高墉

無名氏

歌謠

王世容歌

吳錄曰王鐔字世容為武城令民服德化宿惡奔逃父老歌之鐔藝文類聚作譚

王世容政無雙省徭役盜賊空

彭子陽歌

吳錄曰彭循字子陽毗陵人建國二年海賊丁儀等萬人據吳太守狄君闡循勇謀以守令循與儀相見陳說利害應時散去民歌之曰

時歲倉卒賊縱橫大戟強弩不可當賴遇賢令彭子陽

黃龍中童謠

周處風土記云吳黃龍中童謠後
孫權征公孫淵浮海乘船舶白也

行白者君追汝句驪馬

孫亮初童謠

晉書五行志曰孫亮初童謠按揚子閣者反語石
子垺也鈎絡鈎帶也及諸葛恪死果以葦席裹身
篋束其腰投之石垺後聽
恪故吏收葬求之此垺云

吁汝恪何若若葦蘆單衣篋鈎絡於何相求揚

晉書
作常

子

閣

孫亮初白鼉鳴童謠

晉書五行志曰吳孫亮初公安有白鼉鳴龜童謠按南郡城可長生者有急易以逃也明年諸葛恪敗弟融鎮公安亦見鼉融刮金印龜服之而死鼉有鱗介甲兵之象也

白鼉鳴龜背平南郡城中可長生守死不去義無成

孫皓初童謠

文選補遺作揚州歌

晉書五行志曰吳孫皓初童謠按皓尋遷都武昌民沂流供給咸怨毒焉

寧飲建鄴水不食武昌魚寧還建業死不止武昌居

孫皓天紀中童謠

晉書五行志曰吳孫皓天紀中童謠晉武帝聞之加王濬龍驤將軍及征吳江兩衆軍無過者而王

澹先定
秣陵

阿童復阿童銜刀游渡江不畏岸上虎但畏水中龍

吳謠

吳志曰周瑜少精意於音樂雖三爵之後其
有闕誤瑜必知之知之必顧故時人謠云

曲有

一作復

誤周郎顧

時人語

高僧傳曰孫權已制江左而佛教未行有玄謙者
本月支人來遊漢境博覽經籍莫不精究遍學異
書通六國語其為人細長黑瘦
眼多白而睛黃時人為之語曰

欽定四庫全書

古詩紀
卷三十

十

支郎眼中黃形軀雖細是智囊

廣陵諺

張勃吳錄曰陸稠字伯羸為廣陵太守姦吏斂手廣陵諺曰

解結理煩我國陸君

孫皓時詩妖

孫皓遣使者祭石印山下妖祠使者因以丹書巖云云皓聞之曰從太皇帝至朕四世太平之主非朕復誰恣虐踰甚尋以降凶逆詩妖也

楚九州渚吳九州都揚州士作天子四世治太平矣

欽定四庫全書



古詩紀
卷三十一

古詩紀卷三十

欽定四庫全書

古詩紀卷三十一

明 馮惟訥 撰

晉第一

司馬懿

字仲達河內溫縣人仕魏歷事武帝文帝明帝後輔齊王為太傅相國封公孫炎受魏禪

追尊為宣帝
廟號高祖

謙飲歌

晉書曰高祖伐公孫淵過溫見父老
故舊謙飲累日悵然有感為歌曰

天地開闢日月重光遭逢際會奉辭遐方將掃逋

羣史作

穢還過故鄉肅清萬里總齊八荒告成歸老待罪武陽

荀勗

字公曾潁川人初辟大將軍曹爽掾武帝受禪封濟北郡公領著作秘書監太康中遷尚書令

從武帝華林園宴

二章○初學記作荀勗從武帝華林園藝文類聚逸勗名

後人遂以為武帝詩誤也

習習春陽帝出乎震

叶平聲

天施地生以應仲春思文聖

皇順時東仁欽若靈則飲御嘉賓洪恩普暢慶乃衆臣

其慶惟何錫以帝祉肆覲羣后有客戾止外納要荒內

延鄉士簫管詠德八音咸理凱樂飲酒莫不宴喜

三月三日從華林園

清節中季春姑洗通滯塞玉輅扶淥池臨川蕩奇憲

張華

字茂先范陽人晉武帝受禪以為黃門侍郎贊
伐吳有功封廣武侯遷尚書後進為侍中中書

監盡忠匡輔加封公元康六年拜司空與趙王倫
孫秀有隙為倫秀所害○詩品云張華詩其源出
於王粲其體華艷興託不奇巧用文字務為妍冶
雖名高曩代而疏亮之士猶恨其兒女情多風雲
氣少謝康樂云張公雖復千篇猶一體耳今置
之中品疑弱處之下科恨少在季孟之間矣

門有車馬客行

門有車馬客問君何鄉士捷步往相訊果是舊鄰里語

昔有故悲論今無新喜清晨相訪慰日暮不能已詞端
競未究忽唱分途始前悲尚未弭後憂方復起

輕薄篇

末世多輕薄驕代

一作或

好浮華志意既

一作能

放逸貨財

亦豐奢被服極纖麗肴膳盡柔嘉童僕餘梁肉婢妾蹈
綾羅文軒樹羽蓋乘馬鳴玉珂橫簪刻玳瑁長鞭錯象
牙足下金鑄履手中雙莫耶賓從煥絡繹侍御何芬葩
朝與金張期暮宿許史家甲第面長街朱門赫嵯峨蒼

梧竹葉清宜城九醞醑浮醪隨觴轉素蟻自跳波美女

興齊趙妍唱出西巴一顧城國傾千金寧

樂府作不足多北

里獻竒舞大陵奏名歌新聲踰激楚妙妓絕陽阿玄鶴
降浮雲鱣魚躍中河墨翟且停車展季猶咨嗟淳于前
行酒雍門坐相和孟公結重關賓客不得蹉三雅來何
遲耳熱眼中花盤案互交錯坐席咸諠譁簪珥咸墮落
冠冕皆傾邪酣飲終日夜明燈繼朝霞絕纓尚不尤安
能復顧他留連彌信宿此歡難可過人生若浮寄年時

忽蹉跎促促朝露期
榮樂遽幾何念此腸中悲涕下自滂沱
但畏執法吏禮防且切磋

遊俠篇

翩翩四公子濁世稱賢名
龍虎相交爭七國竝抗衡
食客三千餘門下多豪英
遊說朝夕至辯士自縱橫
孟嘗東出關濟身由鷄鳴
信陵西反魏秦人不窺兵

藝文類聚作聞

濟趙勝南詛楚乃與毛遂行
黃歇北適秦太子還入荆
美哉遊俠士何以尚
四卿我則異於是
好古師老彭

博陵王宮俠曲二首

俠客樂幽險，築室窮山陰。
燎獵野獸稀，施網川無禽。
歲暮饑寒至，慷慨頓足吟。
窮令壯士激，安能懷苦心。
干將坐自關繁弱控，餘音耕佃窮。
淵陂種粟著，劔鐔收秋狹。
路間一擊重千金，棲遲熊羆穴。
容與虎豹林，身在法令外。
縱逸常不禁。

雄兒任氣俠，聲蓋少年場。
借友行報怨，殺人租市旁。
吳刀鳴手中，利劔嚴秋霜。
腰間又素戟，手持白頭鑲。
騰超

如激電迴旋如流光奮擊當手決交屍自縱橫寧為殤
鬼雄義不入園墻生從命子遊死聞俠骨香身沒心不
懲勇氣加四方

遊獵篇

歲暮凝霜結堅冰
幽泉厲風蕩原隰
浮雲蔽昊天玄
雲晦孰合素雪紛連翩
鷹隼始擊鷙虞人獻時鮮
嚴駕鳴騫侶攬轡過中田
戎車方四牡文軒馭紫燕
輿徒既整飭容服麗且妍
武騎列重圍前驅抗修旃
倏忽似回

飈絡繹若浮烟鼓噪山淵動衝塵雲霧連輕縈拂素電
織網蔭長川游魚未暇竄歸鴈不得還一作旋由基控繁

弱公差操黃間機發應弦倒一倒連雙肩僵禽正狼藉
落羽何翻翻積獲被山阜流血丹中原馳騁未及勸曜
靈俄移晷結宜彌藪澤囂聲振四鄙烏驚觸白刃獸駭
掛流矢仰手接遊鴻舉足蹴犀兕如黃批狡兔青骸撮
飛雉鷓鷯不盡收鳧鷖安足視日冥徒御勞賞勤課能
否野饗會衆賓玄酒甘且白燔炙播遺芳金觴浮素蟻

珍羞墜歸雲，纖肴出淥水。四氣運不停，年時何疊疊。人生忽如寄，居世遽能幾。至人同禍福，達士等生死。榮辱渾一門，安知惡與美。遊放使心狂，覆車難再履。伯陽為我誠，檢跡投清軌。

壯士篇

天地相震蕩，回薄不知可。一作窮人物稟常格，有始必有終。年時俛仰過，功名宜速崇。壯士懷憤激，安能守虛冲。乘我大宛馬，撫我繁弱弓。長劍橫九野，高冠拂玄穹。慷

慨成素霓嘯叱起清風震響駭八荒奮威曜四戎濯鱗
滄海畔馳騁大漠中獨步聖明世四海稱英雄

蕭史曲

藝文作張華樂府作鮑照然此詩詞格不類晉人當是鮑詩也

蕭史愛長少

一作少

年羸女羞童顏火粒願排棄霞霧好登

攀龍飛逸

一作竟

天路鳳起出秦關身去長不返蕭聲時

往還

勵志詩

九章

太儀幹

烏拈反

運天迴地游四氣鱗次寒暑環周星火既

夕忽焉素秋涼風振落熠燿宵流

吉士思秋寔感物化日與月與平聲在苒代謝逝者如斯

曾無日夜嗟爾庶士胡寧自舍去聲

仁道不遐德輜如羽求焉斯至衆鮮克舉大猷玄漢將

抽厥緒先民有作貽我高矩

雖有淑姿放心縱逸出般音盤于游居多暇日如彼梓材

弗勤丹漆雖勞撲斲終負素質

養由矯矢獸號于林蒲蘆紫繳職畧反神感飛禽末伎之

妙動物應心研精耽道安有幽深

安心恬蕩棲志浮雲體之以質彪之以文如彼南畝力

耒既勤

蔗音鑣
蓑音

致功必有豐啟

水積成川載瀾載清土積成山歆蒸鬱冥山不讓塵川

不辭盈勉爾

一作志

含弘以隆德聲

高以下基洪由織起川廣自源成人在始累上聲微以著

乃物之理繆牽之長實累上聲千里

復禮終朝天下歸仁若金受礪若泥在鈞進德修業輝

光日新隰朋仰慕予亦何人

祖道征西應詔詩

赫赫大晉奄有萬方陶以仁化曜以天光貳跡陝西實
在我王內飪玉鉉外惟鷹揚四牡揚鑣玄輅振綏庶寮
羣后餞飲洛湄感離歎悽慕德遲遲

祖道趙王應詔詩

崇選穆穆利建明德一作明明於顯穆親時惟我王稟姿自

然金質玉相光宅舊趙作鎮冀方休寵曲錫備物煥彰

發軔上京出自天邑百寮餞行縉紳具集軒冕莪莪冠
蓋習習戀德惟懷永歎弗及

太康六年三月三日後園會

四章

暮春元日陽氣清明祁祁甘雨膏澤流盈習習祥風啓
滯導生禽鳥翔逸卉木滋榮纖條被綠翠華含英

於皇我后欽若昊乾順時省物言觀中園讌及羣辟乃

命乃延一作初筵合樂華池被濯清川汎彼龍舟沂游洪源

藝文作沂
渚游源

朱幕雲覆列坐茵羽觴波騰品物備珍管絃繁會變
用奏新穆穆我皇臨下渥仁訓以慈惠詢納廣神好樂
無荒化達無垠

咨子微臣荷寵明時忝恩于外攸攸三期犬馬惟慕天
實為之靈啓其願邀願在茲予以表情爰著斯詩

上巳篇

仁風導和氣句芒御昊春姑洗應時月元巳啓良辰密
雲蔭朝日零雨灑微塵飛軒遊九野置酒會衆賓臨川

懸廣幕夾水布長茵徘徊存往古慷慨慕先真朋從自
遠至童冠八九人追好舞雩庭擬跡洙泗濱伶人理新
樂膳夫然時珍八音礪磕奏肴俎從橫陳妙舞起齊趙
悲歌出三秦春醴踰九醞冬清過十旬盛時不努力歲
暮將何因勉哉衆君子茂德景日新高飛舞鳳翼輕舉
攀龍鱗

答何劭三首

吏道何其迫窘然坐自拘纓綬為微繹文憲焉可踰恬

曠苦不足煩促每有餘良朋貽新詩示我以游娛穆如
灑清風煥若春華敷自昔同寮案音菜於今比園廬哀疾
近辱殆庶幾竝懸輿散髮重陰下抱杖臨清渠屬耳聽
鶯鳴流目翫儵魚從容養餘日取樂於桑榆

洪鈞陶萬類大塊稟羣生明闇信異姿靜躁亦殊形自
予及有識志不在功名虛恬竊所好文學少所經忝荷
既過任白日已西傾道長苦智短責重困才輕周任有
遺規其言明且清負乘為我戒夕惕坐自驚是用感嘉

貺寓心出中誠發篇雖溫麗無乃違其情

駕言歸外庭放志永棲遲相伴步園疇春草鬱鬱滋榮
觀雖盈目親友莫與偕悟物增隆思結戀慕同儕援翰
屬新詩永歎有餘懷

情詩五首

清風動帷簾晨月照

五臣
作燭

幽房佳人處遐遠蘭室無容

光襟懷擁虛景輕衾覆空牀居歡惜夜促在戚怨宵長

拊

五臣
作撫

枕獨嘯歎感慨心內傷

游目四野外逍遙獨延佇
蘭蕙緣清渠繁華蔭綠渚
佳人不在茲取此欲誰與
巢居知風寒穴處識陰雨
不曾遠別離安知慕儔侶

北方有佳人端坐鼓鳴琴
終晨撫管絃日夕不成音
憂來結不解我思存所欽
君子尋時役幽妾懷苦心
初為三載別於今久滯淫
昔邪生戶牖庭內自成陰
翔鳥鳴翠偶草蟲相和吟
心悲易感激俛仰淚流衿
願託晨風翼束帶侍衣衾

明月曜清景，隴光照玄墀。幽人守靜夜，迴身入空帷。
東帶俟將朝，廓落晨星稀。寐假交精爽，覲我佳人姿。巧
笑媚懽懽，一作謹屬聯娟眸。與眉寤言增長，嘆悽然心獨悲。
君居北海陽，妾在江南陰。懸邈極修途，一作脩途山川阻
且深。承懽注隆愛，結分投所欽。街思一作思篤守義萬里，
託微心。

感婚詩

駕言遊東邑，東邑紛穰穰。婚姻及良時，嫁娶避當梁。窈

窈出閨女嫵婉姬與姜素顏發紅華美目流清揚韡燁
衆親盛於我猶若常譬彼暮春草榮華不再陽

雜詩三首

晷度隨天運四時互相承東壁正昏中涸陰寒節升繁
霜降當夕悲風中夜興朱火青無光蘭膏坐自凝重衾
無暖氣挾纒如懷冰伏枕終遙夕寤言莫子應永思慮
崇昔慨然獨拊膺

逍遙游春空

一作宮

容與淙池阿白蘋開素葉朱草茂丹

華微風搖蕩若增波動
芰荷榮彩曜中林流馨入綺羅
王孫遊不歸修路邈以遐
誰與翫遺芳佇立獨咨嗟
荏苒日月運寒暑忽流易
同好逝不存迢迢遠離析
房櫳自來風戶庭無行迹
蒹葭生牀下蛛蝥網四壁
懷思豈不隆感物重鬱積
遊鴈比翼翔歸鴻知接翮
來哉彼君子無愁徒自隔

擬古

見藝文松類有詩無
題古遺集云擬古

松生壠坂上百尺下無枝
東南望河尾西北隱崑崖
劉

風振山籟朋鳥夜驚離悲涼貫年節葱翠恒若斯安得
草木心不怨寒暑移

遊仙詩三首

以下
闕文

雲霓垂藻旒羽袿揚輕裾飄登清雲間論道神皇廬蕭
史登鳳音王后吹鳴竽守精味玄妙逍遙無為墟

玉珮連浮星輕冠結朝霞列坐王母堂艷體食瑤華湘
妃詠涉江漢女奏陽阿

乘雲去中夏隨風濟江湘疊疊陟高陵遂升玉巒陽雲

娥薦瓊石神妃侍衣裳

贈摯仲洽詩

君子有逸志棲遲於一丘
仰蔭高林茂俯臨淥水流恬
淡養玄虛沈精研聖猷

招隱二首

隱士託山林遁世以保真
連惠亮未遇雄才屈不伸
棲遲四野外陸沈背當時
循名掩不著藏器待無期
羲和策六龍弭節越崦嵫
盛年俛仰過忽若振輕絲

成公綏

字子安東郡白馬人也少有俊才詞賦甚麗張華雅重綏薦為太常博士歷秘書郎遷中

書郎每與華受詔並為詩賦泰始九年卒

中宮詩二首

按樂府載張華晉中宮所歌一首體與此同

殷湯令妃有莘之女仁教內修度義以處清謚後宮九

嬪有序尹為媵臣遂作元輔

周詩逸軌作賢明頌

天地不獨立造化由陰陽乾坤垂覆載日月曜重光治

國先家道立教起閨房二妃濟有虞三母隆周王塗山

興大禹有莘佐成湯齊晉霸諸侯皆賴姬與姜關雎思

賢妃此言安可忘

行思

一作
中作
云途

洋洋熊耳流巍巍伊闕山高岡碣崔嵬雙阜夾長川素
石何磷磷水禽何翩翩遠涉許潁路顧思邈綿綿鬱陶
懷所親引領情緬然

遊仙詩

盛年無幾時奄忽行欲老那得赤松子從學度世道西
入華陰山求得神芝草珠玉猶戴土何惜千金寶但願

垂無窮與君長相保

古詩紀卷三十一